

ნამაზი



ძვირფასო ბავშვებო:

ნამაზის ლოცვა ყველაზე მნიშვნელოვანი ღვთისმსახურებაა, რომლის შესრულებასაც უზენაესი ალლაჰი ჩვენგან ითხოვს. ყოვლის გამჩენი ალლაჰი ბრძანებს: „**ნამაზი სრულყოფილად შეასრულეთ**“ და „**ნამაზს გაუფრთხილდით.**“

ჩვენი ძვირფასი ფეილამბერი მუხამმედი (სალელელაჰუ ალეიჰი ვესელემ) ბრძანებს: „**ნამაზი რელიგიის საყრდენია.**“ ნამაზის ლოცვით ჩვენს რელიგიას გავამყარებთ, რწმენას კი გავძლიერებთ. ჯენნეთის (სამოთხის) მოპოვების მთავარი საშუალებაც სწორედ ნამაზია, რადგან ჩვენი საყვარელი ფეილამბრის (ს.ა.ვ.) სხვა სიტყვებში ასეა ნაბრძანები: „**ჯენნეთის გასაღები ნამაზია.**“

ყველა მუსლიმანის მიერ ნამაზის ლოცვა ფარდია (აუცილებელია). ნამაზის ლოცვა უზენაესი ალლაჰის ბრძანებაა. დღის განმავლობაში აუცილებლად სალოცავი ხუთი დროის ნამაზი არსებობს. ესენია: დილა, შუადღე, იქინდი, საღამო და იასი.



რა უნდა გავაკეთოთ ლოცვის დაწყებამდე:

- აბდესი უნდა ავიღოთ. აბდესის გარეშე ვერ ვილოცავთ.
- სალოცავი ადგილი და ტანისამოსი სუფთა უნდა გვქონდეს.
- სხეულის ის ნაწილი უნდა დავფაროთ, რომლის დაფარვაც რელიგიით აუცილებელია.
- ყიზლის (ქაბეი მუაზზამას) მიმართულებით უნდა დავდგეთ.
- ნამაზი თავის დროზე უნდა შევასრულოთ და არ გამოვტოვოთ.
- რომელ ნამაზსაც ვლოცულობთ, მისი ნიეთი უნდა გავაკეთოთ.

ახლა კი ერთად ვისწავლოთ, თუ როგორ უნდა ვილოცოთ ნამაზი...

იფთითაჰ თექბირი

ნამაზის ლოცვისას შესასრულებელი პირველი ფარძი „**იფთითაჰ (ნამაზის საწყისი) თექბირია.**“

იფთითაჰ თექბირი ნამაზის „**ელლაჰუ ექბერ**“ თქმით დაწყებაა. ხელების, სურათზე მოცემულის მსგავსად აწევა ძვირფასი ფეილამბრის (ს.ა.ვ.) სუნნეთია.

ამ თექბირით ნამაზი დაწყებული გვექნება.

ნამაზის ლოცვისას უნდა გავაცნობიეროთ და ვიფიქროთ, რომ გამჩენი ალლაჰის წინაშე ვიმყოფებით. ამიტომ მოკრძალებული უნდა ვიყოთ, ყურადღება მხოლოდ ნამაზზე უნდა გავამახვილოთ და სხვა რამეზე არ ვიფიქროთ.

„ელლაჰუ ექბერ“ ნიშნავს „ალლაჰი უდიდესია“

**„ნამაზი, ადამიანს
ყოველგვარი
უზნეობისა და
ცუდისგან დაიცავს.“**

(სურა: ანქებუთი; აიეთი: 45)



ყიამი (ფეხზე დგომა)

ნამაზის ფარძებიდან მეორე ყიამია, ანუ ფეხზე დგომაა. იფთითაჰ თექბირის შემდეგ ხელებს როგორც სურათშია მოცემული ისე შევკრავთ. სუბხანექეს, ფათიხას და ყურანიდან რამდენიმე აიეთს ვიკითხავთ. ყურანის კითხვა ნამაზის მესამე ფარძია, ამას „ყირაათი“ ეწოდება.

ბავშვებო!

ყურანი ქერიმის ბოლოში არსებული მოკლე სურეების დაზეპირება შედარებით მარტივია.

ნამაზი ძალიან მნიშვნელოვანი ღვთისმსახურებაა. ლოცვისას არ უნდა დაგვაფიწყდეს, რომ უზენაესი ალლაჰის წინაშე ვიმყოფებით და ნაკითხი აიეთების გარდა სხვა რამეზე არ უნდა ვიფიქროთ.